

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-23-18162/19  
Sarajevo, 08.11.2019. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

## **ODLUKU**

### **o izboru najpovoljnijeg ponuđača u predmetu – Izvođenje građevinskih radova za potrebe gasifikacije u ulicama Dobroševićka, Harisa Kurtovića i 14. juni**

#### **I**

Prihvata se preporuka Komisije za javnu nabavku radova i ugovor za javnu nabavku u predmetu – Izvođenje građevinskih radova za potrebe gasifikacije u ulicama Dobroševićka, Harisa Kurtovića i 14. juni, broj obavještenja 422-1-3-246-3-127/19, objavljen u „Službenom glasniku BiH – Oglasnik javne nabavke“, br. 62/19 od 13.9.2019. godine, dodjeljuje se ponuđaču „Džekos“ d.o.o. Sarajevo, sa ponuđenom cijenom za ugovor u iznosu od 172.285,37 KM sa PDV-om.

#### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

#### **III**

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije, koji se odnose na član 45. stav (2) tačka od a) do d) Zakona i dokumente tražene u tački 3.3.2 tenderske dokumentacije koji se odnose na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

### **Obrazloženje**

Odlukom broj 02/12-23-18162/19 od 09.9.2019. godine Općina Novi Grad Sarajevo pokrenula je postupak javne nabavke - Izvođenje građevinskih radova za potrebe gasifikacije u ulicama Dobroševićka, Harisa Kurtovića i 14. juni, otvoreni postupak, broj obavještenja 422-1-3-246-3-127/19, objavljen u „Službenom glasniku BiH – Oglasnik javne nabavke“, br. 62/19 od 13.9.2019. godine.

Zapisnikom o otvaranju ponuda od 02.10.2019. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača: 1.

„Telefongradnja“ d.o.o. Sarajevo i 2. „Džekos“ d.o.o. Sarajevo. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Telefongradnja“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (3) tehnička i profesionalna sposobnost: da ponuđač obezbijedi opremu neophodnu za obavljanje predmetnih radova: kamion kipper – 1kom, mašina za zemljane iskope – 2kom, vibro nabijač za rov – 1kom, sjekačica -1kom, pupmpa za crpljenje vode - 1kom, kompresor sa pneumatskim čekićem -1kom, valjak -1kom i agregat 1-kom, za koje se kao dokaz dostavlja izvod iz knjige osnovnih sredstava ili ugovor o iznajmljivanju opreme i za kamione saobraćajna dozvola, a za radne mašine saobraćajna ili upotrebna dozvola sa zapisnikom koji dokazuje tražene karakteristike (original ili ovjerena kopija). Uvidom u dostavljenu dokumentaciju ponuđača „Telefongradnja“ d.o.o. Sarajevo konstatovano je da je ponuđač dostavio upotrebnu dozvolu sa zapisnikom za pokretni kompresor bez dostavljanja dokumentacije za pneumatski čekić.

Iz naprijed navedenog razloga utvrđeno je da ponuđač „Telefongradnja“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (3) tehnička i profesionalna sposobnost, te je ponuda odbačena shodno odredbama člana 68. stav (4) tačka h) Zakona o javnim nabavkama.

Uvidom u preostalu ponudu ponuđača „Džekos“ d.o.o. Sarajevo Komisija je analizom i procijenom dokumentacije kojom ponuđač treba dokazati svoju kvalifikovanost za učešće u ovom postupku utvrdila da ista ispunjava formalno-pravne i kvalifikacione uslove tražene u tenderskoj dokumentaciji.

Nakon što je Komisija utvrdila da je samo jedna ponuda prihvatljiva, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama.

Komisija je nadalje utvrdila da nije bilo računске greške u ponudi, ali je utvrdila da je predmetna ponuda ponuđača „Džekos“ d.o.o. Sarajevo u iznosu od 12.285,37 KM veća od iznosa određenog u Odluci o pokretanju postupka javne nabavke (gdje procjenjena vrijednost predmetne nabavke iznosi 160.000,00 KM sa PDV- om). Komisija je od Službe za finansije zatražila stručno mišljenje o potrebnom dodatnom iznosu. Mišljenjem broj 02/09-14-1945/19 od 30.10.2019. godine Služba za finansije je dala saglasnost na traženi dodatni iznos od 12.285,37 KM, te je na osnovu te saglasnosti Komisija nastavila sa procedurom javne nabavke i predložila da se donese odluka o dodjeli ugovora za predmetne radove ponuđaču „Džekos“ d.o.o. Sarajevo sa ponudom u iznosu od 172.285,37 KM sa PDV-om.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za dodjelu ugovora ponuđaču „Džekos“ d.o.o. Sarajevo, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:  mr. Neira Smajić Šahić

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



 Općinski načelnik

mr. Semir Efendić